

南  
州  
草  
堂  
集

南州草堂集卷十二目錄

古今體詩

丁卯元旦

左遷南歸舟中述懷八首兼寄同館諸君時

三月三日也

舟發張灣連日阻風口占二絕句

西陂雜詠爲宋牧仲觀察賦六首

淶波村

釣家

緯蕭草堂

芟梁

和松菴

放鴨亭

滄酒用東坡除夕詩韻

舟過鄭圃飲喬石林寓齋席間有作

題石林侍直圖二首

題北平王金吾將軍遊三山錄

小住

江鄉

牖吏

楊花

寄吳青壇侍御二首

遲韓慕廬學士舟不至有懷

謫宦

閬陽一首

紀句

隋堤竹枝詞

受

家示諸親友四首

南州草堂集卷十二

吳江徐 鈞電發著

詩槩

古今體

起丁卯正月到五  
月止計三十七首

丁卯元旦

禁城曙色曉瞳瞳  
曾記鳴珂紫陌中  
剩有鞭絲閒白晝  
祇餘帽影笑東風  
十千易買終朝醉  
一局全輸萬事空  
謾道浮雲能蔽日  
爲農惟願祝年豐

左遷南歸舟中述懷八首兼寄同館諸君  
時三月三日也

半世浮生類轉蓬  
難禁衰鬢又春風  
薄寒飛絮衣

將袂映日微雲暖漸烘遷客愁腸憐去住御溝流水判西東十年小劫如塵夢且束行旆謝軟紅氣暖冰漸穩放船桃花滾處且延緣輕如秋葉身先覺懶似春蠶意欲眠稚子提攜裝紫鳳小妻擗搗及蠶箋年來早著歸田錄敢向清時畏左遷

諸公祖帳日初曛無那尊前別思紛三黜何能銷積毀一年容易又離羣臨風自痛山陽笛把酒難澆宿草墳

余罷官未及半載同年吳志伊倪閣公相繼俱歿

縱使雲泥分

異路肯忘書札慰殷勤

峭帆歸去尚餘寒愁對東風兩鬢殘花信早催遲蝶使朝衫初卸穩漁竿修門有路人爭看汗簡無

期興更闌一局輸贏成底事何妨袖手作傍觀

捫參歷井玉清遙吹送罡風墮碧霄酒病懨懨連  
上已春愁黯黯過花朝折除已被浮名誤笑兀難  
隨腐骨銷盡盡爐灰猶不寐荒村雞犬自迢迢

之自翰林左遷詩云可憐此  
夜商山客盡盡爐灰淚滿衣

淩嚴秘殿夢中開責薄恩多愧不才破帽青衫應  
便去禿襟短袖悔重來啣杯故舊愁相送點鬢風  
霜笑却迴遮莫南山仍種豆草荒徑路總無媒

一別觚稜漸渺茫浩歌且自問滄浪料量縱少千  
頭橘檢校還栽八百桑蕉鹿底須尋鼠穴沙蟲何  
事入雞場舒眉飽看青山色回首長亭又夕陽

直沽新水織魚鱗  
謫宦南歸未是貧  
昵酒不妨成爛醉  
看花猶喜傍殘春  
肯教鷗鷺疑遷客  
且與江湖作散人  
斲盡鬢桐君莫怪  
從今准擬息勞薪

舟發張灣連日阻風口占二絕句

吹盡黃埃障日邊  
孤篷颭颭故依然  
已過宦海千重浪  
遮莫驚心自扣舷  
領畧風波是此身  
歸來猶及見殘春  
一篙縱使灘頭坐  
也勝東華十丈塵

西陂雜詠爲宋牧仲觀察賦

淥波村

買斷淥波村  
移家傍秋水  
遙憶瀟湘遊  
汀蘭亂芳



芷何時倚棹尋共入蒹葭裏

釣家

我昔釣楓江一竿能自整游魚頗策策遂覺無人  
境隋隄南岸傍何人挂客簪

觀察西陂去宋城十里亦名隋隄南湖

緯蕭草堂

逶迤築西陂風響面簾簾葦蕭蕭織作屋塘均多蟹  
鰕不勞門下議兼可注蟲魚

芰梁

叢祠連水驛菡萏花相接中有畧舸橫纔可容步  
屨跳魚撥刺遊衝波瀟菰葉

和松菴

松濤雜魚梵一龕佛火映月明虬影橫恍惚空山  
靜素琴誰更張天籟無人聽

放鴨亭

紅欄第四橋吾家曾放鴨溪水漲浮萍嘗共鳬翁  
唼公子畜能言風標洵不乏

滄酒用東坡除夕詩韻

南還治裘輕襪被囊詩佐長貧任拋官計拙難殖  
貨逃之入醉鄉我飲戶非大欣然兩蕉葉攤書竟  
高臥夙嗜滄酒佳清芬堪入座停橈沽一尊歡若  
蟻旋磨棄置勿復悲且從茗芋過扣舷更高歌倡  
予誰汝和

舟過鄭圃飲喬石林寓齋席間有作

纔謝蓬瀛首重搔  
啣杯肯惜醉醪  
陶坦懷詎止容  
卿輩唯諾終須  
任爾曹一夕周  
廬憐削跡幾年  
秘殿憶抽毫同  
時我亦遭遷謫  
敢託蘅荃註楚騷

題石林侍直圖二首

奏對諸公集邇英  
委蛇橐筆自西清  
一言遂折盈庭議  
千載猶傳抗直名  
宮樹曉鴉朝漸散  
荒除反舌晝無聲  
回思宣室深談日  
終使孤臣戴

聖明

百卉春風一夜滋  
偶逢嚴譴去彤墀  
儒冠未負甘藜藿  
厚祿終當愧髻絲  
肯與沙蟲同善變  
還從海

鶴見風姿白田稻蟹應無恙休遣青松嘆後時

題北平王金吾將軍遊三山錄

削首韉刀歲月遒全家避地恰東遊青燐夜泣鍾  
山火白浪寒衝瓜步洲樹色南徐荒落日軍聲北  
府剩江流攜來幾節舊蒲杖海外還思問九州

小住

小住清源驛吟詩又遣春絮飛終滾滾水淺自鄰  
鄰沙瀨眠花鴨微風卷麴塵故園歸尚阻可惜滯  
芳晨

江鄉

江鄉四月景幽哉鞭笋穿籬迸綠苔小雨漸催桃

棄放餘寒輕勒棟花開喜逢聖世容高枕敢道  
時棄不才歸去早從田父飲笑呼鄰酒過牆來

牖吏

南來放舸逾一月關河水湓行逡巡閘門晝閉牖  
吏貴長年蹙額雙眉顰往嫌丞相手可炙呵止今  
逢牖吏嚙低頭斂衽謝牖吏煙簑隨地堪投緡  
柁揚帆非我事憑君自去牖要津

楊花

牽絲刻木總隨緣鶯老春殘自放顛世事曹騰如  
中酒襟懷澹蕩似迷煙飄蕭蓬髻看今日輾輾征  
車笑昨年不分楊花和雪滾偏教觸忤到船邊

寄吳青壇侍御二首

逐臣遷客去承明，潞水歸帆次第行。我亦津門怯

關吏，思君前路若爲情。

青壇抗疏劾關吏遂罷官

製就荷衣卸豸冠，曉吟清露笑寒蟬。語兒亭畔蠶生簇，夢好溪頭罨畫船。

侍御作近遊舫記

遲韓慕廬學士舟不至有懷

學士今年動歸興，子魚初美返江東。兩行官柳迎煙綠，幾點暮鴉遮日紅。身繫中朝關去就，識從桂下別雌雄。芒屨窮帽元曾約，只欠蒲帆十幅風。

送余詩云余亦解組從此辭芒屨窮帽等君處

謫宦

謫宦南歸日東風麥秀寒人情薄似紙一葉視微  
官用世才原拙爲農計已安高車仍滿眼只作奕  
棋看

南陽二首

煙霏日暖霧初收數里南陽趁急流半尺鰓魚才  
出水絕憐風味勝槎頭  
輕舸點點似蜻蜓撒網撈鰕水氣腥望見淮南纔  
一抹遠山疑似佛頭青

絕句

自賦陶家歸去詞參軍手版不須持青衫一領雖  
堪著爭肯低頭向小兒

隋堤竹枝詞

四月隋堤冷似秋  
絲絲煙柳拂行舟  
錦帆一去無消息  
玉璽金鵝鎮日愁

渡江

慚愧趨朝龍尾行  
主恩今日許躬耕  
渡江好酌中冷水  
一片歸心質月明

將抵家示諸親友四首

難得丹成抵大還  
痴呆只與世情慳  
歸來但喜青山在  
休訝衰翁鬢已斑  
麥秋過雨野煙濃  
水驛斜陽照夕舂  
小飲蘭陵今夜酒  
棹歌新喜聽吳儂



垂虹七十二闌干臥著簑衣夢亦安故舊相逢成一笑時賢爭不到漁竿

廿年今始悟迷津牢拄雙扉學避人回首軟紅真昨夢幾番清淺是前塵

附錄德州馮延樾題一卷南州未刻詩清風  
院裏讀多時直須放過詩工拙不怕窮人亦自  
奇劍南詩句早畱名標格何人學得成團扇  
家家如可書不妨添箇老徐生晉江丁燦次  
韻起出三唐別有詩挑燈吟到夜淺時南來  
似得江山助水雪梅花共闌奇君家新詠夙  
傳名大抵波瀾獨老成風格翩翩原自好楮間  
外論更鋒生

南州草堂集卷十三目錄

古今體詩

馬當山

武昌懷古

鐵犀行

東丁鴈水觀察四首

制府行清公誕日席上作

某中丞招飲醉賦

題高觀雅集圖

寄湖南丁泰巖中丞

龔千谷諸君攜伎招飲此山堂卽事四首

席上再題一絕送讓侯北上

黃鵠磯

鸚鵡洲

題張雪岑讀書秋樹圖

成仲謙大叅誕日席上偶成

雪夜飲葉蒼巖前輩半山樓

歲暮閒步僊棗亭

登語石軒

下卽楚宮故址

早春雪夜招同年龍雷岸檢討暨胥怡菴太

守小飲寓齋卽事

戲柬雷岸

過此山堂戲題

遊洪山寺二首

題葉蒼巖詩集

大行太皇太后輓詞四首

哭葉蒼巖八叅

題雪灘釣叟圖

雷笏山明府重過吳江枉詩見貽追敘二十

年前舊事恍如隔世慨然奉荅

席上贈女史許澹如

戊辰除夕

己巳元旦二首

追錄壬戌秋出都時奉寄稼堂作

有序

春日同習隱稼堂集賢溪精舍次稼堂韻贈

同岑和尚并示又裴禪師

題十峰錢先生籃輿圖四首次秦對巖前輩

韻

題顧梁汾舍人冊子

東吳碧山廣文

東梅雪广廣文

寄壽相國真定梁公四首

有序

寄肇慶李華西太守

歐山陳將軍生日走筆贈之

冬日同董閬石孟繹來潘稼堂張後村諸君  
集江上曹我眉祭酒齋次閬石韻

寒夜偕董閬石黃庭表錢宮聲潘稼堂小飲  
寓齋次閬石韻

寓齋大雪次閬石韻

雪後同稼堂遊君山閬石見貽一絕句走筆  
荅之

寓漫園贈同年曹祭酒次稼堂韻

題董生洲玩石圖

偶題

戲題某翁杖朝圖

寄壽宋旣庭先生七十

臘月朔日縣令來趣聽講鄉約書此自嘲兼

示里中父老

有爲余勸駕出山者書絕句示之

南州草堂集卷十三

吳江徐 鈞電

詩藁

古今體

起丁卯十月至庚午十二月止計六十七首

馬當山

吳波不動曉揚舲  
柔櫓輕搖魯望亭  
愛煞澄江如練淨  
馬當山色插天青

武昌懷古

割據雄風在孫劉  
起壯圖指揮拒西蜀  
形勢控東吳  
志豈忘炎祚  
年猶號赤烏  
至今思劍璽  
應自駭當塗



鐵犀行

武昌城外有鐵犀一頭地名鐵牛廠不知何年始造相傳以爲壓水怪也

自昔李冰爲蜀守刻作石犀牛五頭西蜀矜誇厭勝法却嫌詭怪叅人謀調和元氣總無術洪濤滅沒徒貽羞楚江何年鑄老鐵口眼睢盱角訛缺十丈艤舸錦纜牽郵亭簫鼓未曾歇牧笛斜陽不得入江干潮打空鳴咽犀乎犀乎水擊撞水邊烟樹影幢幢魚龍百怪紛出沒一犀氣力烏能降安得絳衣使者至與爾燃炬奔長江

東丁鴈水觀察四首

憶昔都亭別蒼茫已八年未須成白首世事幾推遷  
按部臨江水行吟問楚天早知丁敬禮獨荷主恩偏

吳興舊太守

謂蔣次

貽我甕園詩風物炎方異名花

別院滋都因佳句得坐愛使君知今日相逢處還

能覆酒卮

鴈水分守贛州時曾開甕園與吳蘭次諸君倡和最富

聞道臨章貢西南翡翠收文成誓師處戰地幾淹

畱一線通蠻徼千山繞郡樓至今餘嘯詠玉局竝

風流

亦言在贛州時也

鄂渚今相見南樓興若何君期躋霄漢我已老巖阿  
折獄經能引題襟鬢欲皤渾忘是遷客一笑慰

蹉跎

制府行清公誕日席上作

鳳凰山上建高牙，簾捲冰壺靜不譁。  
每駕單車常問俗，閒攜小隊故穿花。  
感恩父老扶鳩杖，頌德生

仙棗

亭在武昌城外

某中丞招飲醉賦

霜滿烏臺夜析聞，一天煙靄散塵氛。  
影搖樺燭歌三疊，波泛金樽酒十分。  
鈴閣香濃飄鶴篆，西樓夢斷隔巫雲。

時演袁荆州西樓記

可堪重把青衫濕，醉裏還書

白練裙

題高觀雅集圖

羣公眺覽日初曛風勁鵬盤箭入雲偶爾披圖成一  
笑可容落帽著參軍

高觀山在武昌城中時諸君置酒校射圖此

寄湖南丁泰巖中丞

清淺蓬萊感後塵憑誰落拓念騷人西風欲紉湘  
蘭佩夜雨空懷杜若春且向沉碑看峴首何須弭  
棹弔靈均竹枝唱罷巴童舞敢向江頭擷楚萍

龔千谷諸君攜伎招飲此山堂卽事四首  
柔腸石闕口中銜宛轉如聽燕語喃喃惱煞箇儂癡  
更絕不教紅淚溫青衫

撇捺檀槽小閣東詎他波眼欲朦朧蠻靴窄袖輕

來往除是行雲在夢中

低垂犀押掩湘簾小側烏紗帽影尖破臘曉寒梅  
漸放影娥相對月纖纖

好教燭滅獨畱髡沾得餘香滯粉痕莫道司空曾  
見慣老夫今夕也消魂

席上再題一絕送讓侯北上

旗亭悵別柳低垂愁煞花奴與段師記取黃河水  
雪夜休忘紅袖拂烏絲

黃鵠磯

適郢悵雄圖江空峙黃鵠木落鴈影寒帆檣聚吳  
蜀龍戰自昔年遷流異川谷俯仰有餘悲別淚寄

湘竹

鸚鵡洲

鸚鵡洲從鼓史傳新時蕪沒最堪憐  
懸知五嶽崢嶸甚應共濤頭一夜遷

太白平蕪衡詩五嶽方寸起隱然詎可平洲今亦失所在矣

題張雪岑讀書秋樹圖

讀書秋樹根遐思杜陵叟風姿似海鶴  
援奇窮二酉會心復何如嗒焉坐忘久  
流泉間丹楓白衣變蒼狗期君政早成  
田園共相友

成仲謙大叅誕日席上偶成

蓬島纔辭拙宦餘恰逢青島下  
御書放顛琴筑愁

牽惹倚醉笙簫酒破除持節似君真岳牧吟詩如  
我愧應徐緣知舊有沙堤路不羨仙人紫府居

仲謀

尊公爲元  
城相國

### 雪夜飲葉蒼巖前輩半山樓

雪夕燒燈寒置酒先生坐我半山樓捲波欲作婪  
尾宴開懷但解攢眉愁王尊賢佞乍可惜柳下升  
沉百不憂眼前存沒正多感醉未如泥飲莫休

又

剪燭論詩高閣下風流尚憶舊蓬山數峰殘雪今  
宵白只欲畱髡不放還

落拓誰教藉子公酒懷但遣百分空莫愁絃絕無

人和白雪從來在郢中

時有所指

歲暮閒步僊棗亭

黃鶴飛何處猶存僊棗亭梅花看不見玉笛杳難  
聽估客帆初落柴門晝半扃漢陽殘雪在煙樹正  
冥冥

登語石軒

下卽楚宮故址

萬井霜濃竹瓦寒楚宮壞道更紆盤幾層煙水幾  
層樹憑向窓櫺仔細看

早春雪夜招同年龍雷岸檢討暨胥怡菴  
太守小飲寓齋卽事

膠牙餠好試春杯雪撲旌簾黯不開野鶴只宜吳



苑住輕鷗悔觸楚江來佯狂放懶情偏劇覆雨翻  
雲事可哀觀近事有感燒盡殘燈重話舊肯教餘熱惱  
寒灰

戲東雷岸

荳蔻初薰香已殘久將團扇篋中看知君未醒瓊  
花夢天上還來問綠鸞雷岸樓瓊花夢劇

過此山堂戲題

瓦鎚雪煮武夷茶風味真如處士家更向隔隣呼  
酒伴帽簷斜插一枝花有本事

遊洪山寺二首

朝出楚東門煙嵐變晴曉陂陀迴上下行行漸林

杪犖确泥路長頗覺大江杳  
澈浦穿藪麓週遭衆  
山小石磴幾縈紆鐘聲出叢篠  
碧瓦間丹甍樓閣  
何縹緲嗟此梵王宮  
龍從復幽窈蠻榼聊具陳  
一杯謝紛擾醉聞天籟鳴  
駐策看飛鳥

浮屠插山椒孤松踞其巔  
云是武穆植吾恐或未  
然龍鱗雖天矯似不過百年  
野衲徒侈口愚衆布  
金錢迄今繞叢棘寒蕪棲  
荒煙唯餘九間殿鴟吻  
最高竊約畧楚王宮於茲  
奉金仙

寺久圯廢巡撫某君移楚王宮

殿重爲修葺

欲爲祈福地宦海亦屢遷  
青山不終改應

笑空憂煎眼前有好景胡勿長流連

題葉蒼巖詩集

雲雨巫山儘可疑楚江從古有微詞美人珍髭憑  
誰惜應遣先生笑景差

大行太皇太后輓詞四首

思齋追太任遺詔出宮門慈憶三朝聖春憐寸  
草恩珠襦空寂寞翠旒欲飛翻何日攀鸞馭淒其  
仰陞軒

基從豐鎬肇化與二南齊德白昭彤管綸猶煥紫  
泥山陵雲向北秘殿日沉西慘澹慈鴉色飛飛繞  
舊堤

文母升遐日殊方仰令名玉衣輝欲歛金策痛難  
平藥物嘗諸品郊壇感上清燕來思社飯今古繫

哀情

縞素千官集寒鴉雪色前金根徒自植玉輦竟空懸  
哀詔臨三殿靈輶返九天微臣遙灑淚腸斷  
白華篇

哭葉蒼巖大叅

相別未曾五十日豈意妖蔓漢水翻自許蒼生睂  
可察誰知碧血恨空捫心驚獨抱孤臣節腸斷難  
全老母恩公死難時太夫人年八十餘歲愁煞芒鞋尋訪處楚江  
剩有未招魂

題雪灘釣叟圖

投竿一笑日初曛剩有閒身屬水雲我亦楓江舊

漁父雪灘可許得平分

雷笏山明府重過吳江枉詩見貽追敘二

十年前舊事恍如隔世慨然奉荅

把袂驚看鬢已霜休嫌世路似羊腸  
尊鱸得吃情偏好泉石同諧味最長  
剩有門生相慰藉更無遺老話滄桑  
重來往事都堪憶且把桐鄉作故鄉

蜀人今竟卜居毘陵矣

席上贈女史許澹如

飛瓊昨夜下遙天  
暫向人間伴謫仙  
最是酒醒燈  
爇後風流愁煞杜樊川

戊辰除夕

一賦歸田萬念枯欣爲擊壤老農夫雪消除夕年  
猶稔雀噪空庭日已晡熱鬧場如新爆竹<sub>一</sub>開身  
比舊桃符來朝預蠟看花屐病起攜筇不要扶<sub>病</sub>

月餘方起

己巳元旦二首

流光荏苒百年中贏得癡<sub>猷</sub>是此翁懶結舟車迎  
富貴<sub>鞭聰明迎富貴賣癡猷</sub>喜敲鑼鼓賽兒童雪  
因獻歲全消白<sub>皆元旦兒童舊俗也</sub>梅爲衝寒早綻紅羅雀

開門君莫笑牆東一樣有春風

脫離繒繳逐冥鴻冠蓋交遊事事空芒屨已堪隨  
野老綠章焉敢奏天公傳來近事疑談虎<sub>昨除值謝方山</sub>

此部奉使南來過余偶談近事有感云云吟就新詩學候蛩結伴且從郊外去角巾無恙又東風

追錄壬戌秋出都時奉寄稼堂作

有序

余於壬戌秋以病告歸孤舟南下從枕上念稼堂方在講幄遂援筆成此以有重來姓氏非之句疑其不祥不敢奉寄乃不及二年而稼堂已左遷回里余在告凡三載乙丑冬北上稼堂送余詩有蛇若就時休畫足蘭於芳處莫當門句余方訝之丙寅四月補官八月亦被降與稼堂俱老田間矣合二詩觀之不可

謂非識也偶檢篋中猶存舊藁因附錄  
於此

翔步花磚啓北扉  
緇塵滾滾上荷衣  
嚴陵水肯通  
天漢傳說星終傍  
少微一字不留文  
始貴千山獨  
往侶應稀  
回頭懶憶青門柳  
多恐重來姓氏非

春日同習隱稼堂集賢溪精舍次稼堂韻  
贈同岑和尚并示又裴禪師

小築誅茅愛此翁  
幽尋不減灤西東  
花經好雨寒  
猶峭茶共清  
言味更同眼底煙  
雲疑昨夢  
胸中得失諦  
真空虎溪有約終  
須踐他日還來問  
遠公

附稼堂原什  
出山翻見任山翁  
郭北精藍勝  
庵東小徑恰逢寒  
食近清言難得故人同  
天容



晴雨崇朝變，碁局雌雄過。服空何似拔身塵，淨外焚香滌硯對支公。

題十峯錢先生籃輿圖四首次秦對巖前

輩韻

偶學陶公昔日裘，霜髭霞頰鬪身強。談經猶自勤朝夕，不羨閑閑十畝桑。

滄桑閱盡世途難，氷雪還輸鶴髮寬。割取鵝湖一片席，風流肯作晉人看。

曾共扶風舊講徒，曩時几杖有還無。絕憐稚齒從遊日，垂老重來看畫圖。

十年官職總虛名，一醉能消世上情。但有淵明巾可漉，何妨日日昇先生。

題顧梁汾舍人冊子

宮中才子數微之落拓徒傳幼婦詞垂翅渾忘三  
禮賦側身但擬四愁詩階前紅藥翻新調觀裏桃  
花感舊知鱸膾純絲原有約與君只合把溪卮

東吳碧山廣文

如歸亭畔漾輕雷十里荷花次第開弟子不妨絲  
竹醉先生拚倒接羅廻鄭虔莫笑微官冷吳質終  
推大雅才悵望龍眠雙白鶴幾時江上一飛來

城錢飲光潘蜀藻皆廣文感屬也

東梅雪厂廣文

廣文休怕一官寒願借霞觴抵海寬桃李自知成

獨笑蓴鱸也得佐加餐逢時欲啗紅綾餅垂老猶  
嗟首蓓盤解道宛陵詩思好雪厂原比舊都官

寄壽相國真定梁公四首

有序

公以三台之上相濟七袞之遐齡天家  
岐薛咸頌九如殿上金張備陳五福縹  
纓飛組爭思揚解而升跨鶴騰鸞競欲  
攝衣以進紅箋屢擘疑遊畫錦堂中綠  
蟻頻浮恍接耆英會裏四海傳爲盛事  
九重錫以弘麻銳也青衫偃蹇幾同  
爨後之桐白袷飄蕭自分溝中之梗鼠  
肝蟲臂有負生成枯木朽株徒慚雕飾

敬馳一介愧無千里之觴漫賦四章遙  
祝萬年之嘏

宣麻昨歲出承明淑氣和風滿帝京黃閣故知  
多景象青衫也自勤歡情羹調鼎鼎需公望勛勒  
旂常藉老成平格古來天所壽底須丹錄注長生  
元老聲名倚聖朝攤書退食對芭蕉公退朝後每坐蕉林  
書殷勤猶自趨三殿吐握何曾絕百寮稷契兵農  
驅耒耜夔龍禮樂繼簫韶太平宰相人爭識莫漫

題詩寄午橋

年時席帽出長安別語猶憐爨下殘何幸老農歸  
隴畔得聞揆席正朝端棲遲自紉湘蘭佩躑躅羞

彈貢禹冠此日稱觴知有客閣中應少舊馮驩  
維下經綸衆所尊幾從絳帳領春溫不才自擬身  
終棄獻策因無舌可捫天上已知調玉燭水邊猶  
喜潁芳蓀回思短棧何堪戀只是難忘一顧恩

寄肇慶李華西太守

曾共幽巖探洞壑勝遊已是五年餘投湘句苦思  
垂釣迴雁峯高怕寄書自倚疎頑驅短犢欣看故  
舊擁高車遙知簾閣多清暇詩思還能一起予

歐山陳將軍生日走筆贈之

桓桓陳將軍湖海氣激昂早年擅文譽讀書業青  
箱偶爾厭儒冠投筆事戎行挽強兼馬梢孤劒吞

塞鉞竭來驅小隊緩帶臨吳江駐守近十年雞犬  
安窮鄉慚余固陋姿拙毫賦長楊同官一老顛亦  
似米元章班中饒玉笋言君列門牆陳爲余同年  
友米紫來舊  
所拔士余因把君臂投分逾尋常往歲辭闔闔  
歸田樂農桑宦海甘浮沉風波實久嘗耕鑿頗自  
適怕登傀儡場白衣化蒼狗世態飽炎涼惟君敦  
古誼往來情更長以茲真面孔相看鼠與麀何如  
且高歌捧君酒一觴

冬日同董閬石孟繹來潘稼堂張後村諸  
君集江上曹峩睂祭酒齋次朗石韻

拂衣且自理吟鞍蠟屐攜樽興未闌高臥喜耽林

壑穩投閒那怕世途難今朝棋局看逾變曩日春  
明夢已殘歲晚相逢重話舊祇憐天外一峯寒

寒夜偕董閒石黃庭表錢宮聲潘稼堂小

飲寓齋次閬石韻

忽漫相逢一惘然招尋還喜寓齋連筭來聚散真  
無定話盡升沉絕可憐薄俗未淳思老友浮名何  
益悔丁年衰顏畱得須教醉不放閒愁到酒邊

寓齋大雪次閬石韻

千峯江上白宿雁起相呼貰酒愁難破聯吟調未  
孤蠟殘仍覆局衣冷欲親爐好友招尋慣休嫌雪  
滿途

雪後同稼堂遊君山閬石見貽一絕句走

筆荅之

重來搔首舊遊稀  
漫向江邊踏雪歸  
畱得殘山供  
嘯傲何妨老我是漁磯

附閬石原什

二老風流世所稀  
繞城冰雪看山歸  
無端却被江山笑  
不向金門向釣磯

寓漫園贈同年曹祭酒次稼堂韻

平生愛林泉到處窮遊眺  
却來曹家園巖壑頗幽  
玅危樓睇遙海出入涵二曜  
離奇樹蟠根嵌空石  
露竅江山碧萬重攬勝得其要  
塔近聞疎鐘林疎  
明遠燒地僻禽魚親  
堂空猿鳥誚我蚤抽朝簪五  
湖逐漁釣聞君乍歸來  
襆被不須召杯蛇事堪驚



蕉鹿態足笑傍觀  
燕洪爐毋使鬚眉燎  
碁局正斑  
爛雌雄烏可料  
行樂且及時  
爾我年非少  
從茲脫  
轡銜槐根夢  
方覺板輿奉  
慈親君比老  
萊孝屠龍  
我未能刻鵠  
差可效

題董生洲玩石圖

我有松風老書屋  
把茅蓋頂在城西  
憑君乞取龍  
鱗石挾雨噴風  
護短犁

偶題

橫吹漁笛過江濱  
衰晚眞成兩鬢新  
博得閒身幾  
緇屐不教重  
踏軟紅塵

戲題某翁杖朝圖

我已投閒歸笠澤君胡倚杖想朝端豈因廊廟爭  
年少故要隴首野老看

寄壽宋旣庭先生七十

幾年仕隱心無著首藉空嗟負盛名雅志每思常  
理履高懷直欲更騎鯨不愁地熱風波惡猶喜官  
閒志氣清何日尋真探五嶽攜筇應待老門生

臘月朔日縣令來趣聽講鄉約書此自嘲  
兼示里中父老

解組歸田頗自安病扶藤杖強追歡異書借得抄  
猶易良藥求來效最難時與老僧爲伴侶每從鄰  
叟接盤餐不因講約朝衫曳誰識人間舊史官

有爲余勸駕出山者書絕句示之

巧裁花樣逐時新  
領畧溪山未是貧  
自笑疎頑顏更醜  
豈堪描畫又供人

南州草堂集卷十四目錄

古今體詩

薄遊

雨中至西陵東蘇小眉太守

過湖南靜慈寺晤舜瞿和尚別已十六年矣  
鬢髮蒼然巾瓶宛在因憶昔日與冶湄明  
府時時來此不勝存歿之感爲賦此詩兼  
示舜公

江口曉發

富陽道中

曉發桐廬

嚴陵以上山水佳絕舟中口占

登釣臺謁嚴先生祠二首

一春

衢州志感

三月二十日飲刺史若谷兄齋中感懷話舊

愴然有作

獨宿溝溪枕上偶成

至信州與馮躬暨太守話舊

躬暨招同方渭仁同年暨李頌將吳志上花

前觀小伶演劇卽席成四絕句

送春日同馮使君暨李吳二子小飲竹林公

韻得銜字

湖口張公祠

桃花灘

過弋陽與顧湘佩話舊

白髮

將至章江東宋牧仲中丞

尋孺子亭不得二首

寄李述修前輩卽用出都時見贈原韻

牧仲中丞置酒北蘭寺言別卽席成二首

飲李述修前輩臨江衙齋

由大江進小溪作

杉關

贈卞大中丞二首

東閩中學使蘭臯兄二首

五月廿三日卞中丞以海南椰子臺灣西瓜  
見餉漫成長句

藍公漪招同杜湘草彭石鍾陳紫巖君浩小  
飲中原草堂卽事

陳紫巖招同人集高等書屋用今古倡和詩  
原韻

杜湘草六十初度招同人集華林寺錦繡灣  
適曇花大開卽席分賦

題翁岸甫桃花流水圖

謝祖將軍貽荔枝

題董文敏畫

由白雲下院冒雨登鼓山

坐茶亭看雲海

從喝水巖石門歷湧泉尋水雲亭故址

雨後坐蹴鰲橋觀瀑布

國師巖示爲霖和尚四首

同紫巖公漪登鼓山絕頂

藏堂石塔觀舍利時秋海棠盛開和紫巖韻

白雲堂坐雨



羅漢泉

甘露松

循松逕遊吸江蘭若

劣崩峰

再過靈源洞石壁觀李伯紀蔡君謨朱晦菴  
真西山諸先賢鐫刻慨然作歌

臨滄亭聽泉小飲和紫巖韻

茶園

望海

下山口占

鷓鴣

別湧泉寺至下院山亭與紫巖公漪匆匆小  
飲卽去

六月十日行野田中見杭稻皆熟

荔水莊讌集贈林同人

盛暑集方得菴綠宜堂用六月韻

寓延平西山蘭若東阜樵張太守

九月一日黃則威招同毛行九余仲斂集溪

南冷風閣限風字韻

重陽日同行九東只諸君集阜樵太守署樓

和行九韻二首

戲題行九青錢硯圖

阜樵生日詩以侑觴

霧中過江郎山口占一絕

南州草堂集卷十四

吳江徐 鈞電發著

詩藁

古今體

起辛未三月至十月止計七十四首

薄遊

穩臥三年悵薄遊  
惓惓細雨濕孤舟  
春風跌踢柳枝弱  
寒食淒迷燕子愁  
閒去芒鞋今已著  
病餘簪綬復何求  
此行但得江山助  
傑閣題詩在上頭

西江之行

雨中至西陵東蘇小眉太守

扶筇採藥剩閒身  
未敢從君步履親  
暈碧栽紅思

往事衝泥冒雨記茲晨風流玉局人今在落拓樊  
川句倍新他日芒鞋應不負重來爛醉六橋濱

過湖南靜慈寺晤舜瞿和尚別已十六年  
矣鬚髮蒼然巾瓶宛在因憶昔日與治  
涓明府時時來此不勝存歿之感爲賦  
此詩兼示舜公

憶別雷峯十六年重來還訪舊棲禪林花欲落經  
仍在石竹初芟薻不眠塵海茫茫迷小劫風波淼  
淼問前緣辨才已老坡翁死愁聽疎鐘意惘然

江口曉發

論才賦命總如何且放孤篷曳短簑嵐氣空濛山

似黛波光澹宕水如羅看來江上舟雖險若較人  
間穩更多自是海潮常有信休言羅刹敵風波

錢塘

江一名羅刹江元徵之寄白樂天云  
休學州前羅刹石一生身敵海波瀾

### 富陽道中

富陽城郭枕孤篷柔櫓咿啞卷畫中白紵青鞵行  
自得高車錦纜竟成空遠離人惜連江雨寂寞舟  
衝劈岸風只有鷗鷺如舊識還來水面認漁翁

### 曉發桐廬

侵曉朝暾出行行雙槳勤綠低千頃麥白漲一江  
雲飄落花時見啼殘鳥競聞陰晴還不定消息問  
桐君

嚴陵以上山水佳絕舟中口占

支頤臥看髮鬢髻便欲題詩苦未能若取江山作  
圖障應憐筆法似吳興

登釣臺謁嚴先生祠二首

雙臺離立雜松聲寂寂虛堂香火清那有紅塵上  
衣帽祇餘白鳥撲簾旌平生苦愛狂奴態終古難  
消處士名十幾年前曾過此都應慚愧見先生

曾過此俱未及

登因以自嘲

泥沾屐齒此徘徊林木空傳杜宇哀江水平添殘  
漸失溪雲欲黑雨仍來

特連雨江水增三丈餘

唐陵蕪沒終

沙礫漢寢煙消半草萊千古興亡常一轍何須擊

竹上西臺

先生祠中以謝臯羽爲配故及之

一春

逃離野岸草芊芊落盡桃花意惘然鎮日孤蓬沾  
急雨一春猶未卸吳綿

衢州志感

爛柯山色莽蒼蒼巢燕依然度女牆自古平時閒  
白晝從來亂後想危疆陣雲曩歷千羣帳野火今  
燒百戰場此日一犁春雨足還憑遺鏃話滄桑

耿藩之變衢州因守經年

甲寅

三月二十日飲刺史若谷兄齋中感懷話  
舊愴然有作



廿年兄弟各西東聚散雖殊出處同我掌絲綸趨  
闕下君紆組綬向巴中亡羊忽已悲遷客失馬何  
須問塞翁余既左遷兄亦罷茂州守訴盡窮通頭似雪衰顏全  
仗酒杯紅

獨宿溝溪枕上偶成

峯迴嶂合繞荒江孤枕今宵少客艤聒耳灘聲驚  
夢醒一鉤殘月射蓬窓

至信州與馮躬暨太守話舊

屈指彭宣到後堂相逢今已鬢毛蒼閒來自覺鷗  
波穩老去偏驚噩夢長雨笠煙簑容我懶朱輪皂  
蓋看君忙回思少日追遊處萬柳園中醉幾場

躬暨招同方渭仁同年暨李頌將吳志上

花前觀小伶演劇卽席成四絕句

鸚鵡教成檀板催開樽忽憶紫雲迴憑君莫話當

年事且盡生前酒一杯

信州城南構一亭供趙汝愚像一日汝愚鵬客於此

命撤去笑曰且盡生前一杯

酒後人因名一杯亭今尚在

悠揚龍笛轉輕喉十捧花奴舞未休說與風流狂

刺史莫教腸斷似蘇州

小紅花謝響檀槽羯鼓頻催興轉豪醉問青州老

從事誰人得比鄭櫻桃

曾記春風剪柘枝當筵愁煞杜分司而今老大心

情減紅豆重拈髯已絲

送春日同馮使君暨吳李二子小飲竹林

分韻得銜字

春盡花飛草未芟偶逢舊雨滯孤帆只憐江上千竿竹恰飽清貧太守饒對酒但知傾白墮聞歌何用濕青衫升沉往事君休問且看西山落日銜

湖口張公祠

唐時故侯張某在鉛山縣

短岫幽篁古渡頭叢祠社火至今畱往來湖口帆如織誰向東陵問故侯

桃花灘

喔喔雞聲午夢殘推蓬一路少風湍桃花灘水青山側竟日舟從畫裏看

過弋陽與顧湘佩話舊

投簪三載類沉冥浪迹花封此又經

甲子年譚左羽作宰余曾

過此

桑柘陰濃稀虎跡沙汀水暖帶魚腥鄉音細

訴頭驚白舊雨欣逢眼乍青知爾老懷應不惡好  
從雲路刷霜翎

白髮

白髮慵梳髻漸參且從芒屨恣幽探春歸柳市花  
先謝人到旗亭酒易酣數點遠煙山抹黛一篙新  
漲水揉藍閒身已是無拘束不怕東風上短簪

將至章江東宋牧仲中丞

今皇維聖明四海頗清宴詔下諸郡國各自耕鄉

縣毋爲失職人奔走覓藜藿以茲榮戟嚴無由覲  
清盼况值左遷者尤當守貧賤焉敢白頭趨動遭  
官長嫚惟吾與宋公親暱久經慣裸直記當初往  
來實無間有時拭吟醅爲公畫團扇醜拙忽自忘  
反或致公羨彈指十年來浮雲事多變公出領屏  
藩保釐暨南甸旋秉中丞節上游團組練兩江被  
春波桃花流片片余旣歸去來投足老葭蘼偶思  
去采藥一認廬山面竭來欲叩公懷刺手頻顫萬  
一被嘲譏恐貽猿鶴訕捫心川躊躇撫懷恒狷狷  
儻公憶故人肯憐鷗與鷁便當支短筇芒鞋及今  
辦

尋孺子亭不得二首

欲問吾家孺子亭沙汀煙漲水冥冥只愁荒徑無人識何處還高處士星  
生芻一束人如玉名姓都因仲舉傳不是高風值千古應教有榻至今懸

寄李述修前輩卽用出都時見贈原韻

憶昔奉徵書迢遙謝鄉縣含葩綴孤芳焉能自鬻  
銜感激御李君飾素以爲絢羈客方徬徨掃榻喜  
相延夜飲醉清樽晨餐飮華饌不久趨承明簪筆  
隨禁苑新詩學放翁誰人畫團扇忝竊愧青班敢  
忘貧與賤不才果棄置買田比陽羨水苗三寸長

只合老農佃

余左官時屬禹鴻臚畫水苗三頃圖

君質本琳琅聲華

滿畿甸

主恩眷賢良宣奏從秘殿五馬纔一麾

脫若鳥驚箭太守官不卑朱輪行自便終當躋台衡何須薄方面君看奕棋者黑白崇朝變臥閣才有餘行車志勿倦枚馬易龔黃卓哉循吏傳從茲策奇勲文章餘事擅

牧仲中丞置酒北蘭寺言別卽席成二首

寺沿大江有列岫亭秋屏閣諸勝

幕府霜清簡送迎葛衣小隊向柴荆秋屏閣淨沙都白列岫亭空眼校明布席花間銜晚照行廚竹裏報新晴傳來冰雪看山句清絕誰能似廣平

問席

讀中丞歲暮北  
蘭寺看雪詩

棟花坪子點殘紅

棟花坪在寺後

歷扣禪扉興不窮賦擬

江淹偏惜別人如楚客總飄蓬疎林乍喜聞清磬

野供還宜薦晚菘坐久鴉啼燈火寂瓣香猶自憶

南豐

寺爲曾南豐讀書處

飲李述修前輩臨江衙齋

人吏稀疎掾舍清庭除草滿樹陰成田田荷葉波

心立閣閣官蛙池上鳴暫借一杯談往事翻教放

箸憶平生攢眉側足仍依舊絕少蓼蓼衙鼓聲

由大江進小溪作

雨餘衆壑水爭鳴黛色低昂遠近迎怪事南來應



記取扁舟常挂樹梢行

時溪水驟發盈三四丈舟楫皆從樹梢往來然一二

日卽落亦不傷稼也

杉關

在崇安縣界

我行杉關日亭午松障排空列圖畫迴梯複磴阻  
層巒中通一線越江介天教設險控西南行旅徒  
愁路陘隘憶昔豺狼紛出沒吁嗟民力終凋瘵幸  
得天威迅掃除沙蟲變盡消蜂蠆祇今遺鏃滿  
虎郊淒涼猶聽老農話從來在德不在險勿以斯  
言等批裨

贈卞大中丞二首

民力東南已息肩 九重特簡 主恩偏錦裘按

部綬荒徼油幕吹笳破嶺煙憶昨棠陰垂浙水至  
今輿誦滿吳天保釐炎海功非細應有才名黼座

懸

中丞由江皋浙藩  
不數年遂撫閩中

建牙越嶠簡書崇執法霜清蜚氣中鑒古圖書多  
蘊籍行邊山水喜龍從扶犁願借榕陰綠驂竹欣  
看荔子紅賓從南樓皆妙選公餘應不廢詩筒

東閩中學使蘭臯兄二首

十載京華雁影分相思望斷隴頭雲煙霄中路行  
雖斷膠漆初心誼不羣幸轉朱輪懸朗鑑喜燃樺  
燭動星文掄才儻使逢清暇好向榕陰話夕曛  
簡書昨下五雲端狂劇開樽擬共歡溪洞回思鳶

屢跼湘江今轉路千盤

兄自四川遵義由衡湘入閩

海天霞起

龍津合閩嶠煙消絳帳寒荔子香濃紅照眼白頭辛苦憶長安

五月廿三日下中丞以海南椰子臺灣西

瓜見餉漫成長句

聽傳幕府貽珍果瘴染嵐薰引興饒瀉就雲漿醒  
易醒浮來冰碗渴全消剖開瓊液驕紅荔削去蒼  
皮賽綠蕉急送流匙狂欲舞醉餘還擬作詩瓢

藍公滴招同杜湘草彭石鍾陳紫巖君浩

小飲中原草堂卽事

草堂貲少無人寄斗室剛能五尺強幻出煙巒生

四壁絕勝蓬島在方塘客來投轄分芒屨興至移  
壺過短牆綠蟻頻傾狂更劇低頭沉醉海南香

移樽烏石山房以沉香巨杯飲余大醉

陳紫巖招同人集高尋書屋用今古倡和

詩原韻

高尋遐寄屬逍遙從古雲林勝市朝冰簟乍鋪童  
漫卷酒鎗初展興偏饒巖花照眼還臨檻山雨侵  
簾欲度橋人醉難消湖海氣多君維繫永今朝

杜湘草六十初度招同人集華林寺錦鋪

灣適曇花大開卽席分賦

廿載相違在杜甫瘦於野鶴老霜松不從飯顆山

頭見却向華林寺裏逢  
照眼曇花開異域  
驚人噩夢醒初鐘  
常愁青髻隨流水  
欲問先生借短筇

題翁岸甫桃花流水圖

低岸烏巾坐綠苔  
落紅萬點少塵埃  
披圖笑指桃花洞  
不避秦人也合來

謝祖將軍貽荔枝

牙帳晴開晝日長  
饒歌新喜奏炎方  
老謀坐愛金城畧  
清節曾無陸賈裝  
將軍舊鎮粵東  
島嶼煙銷休戰伐  
海波風靜樂梯航  
逍遙裘帶知多暇  
更羨分來荔子香

題董文敏畫

閩山閩水真奇絕，日日來遊寫未能。  
翻怪當年董思白，時常寫幅剡溪藤。

由白雲下院冒雨登山

籃輿纔上覺身輕，見說看山眼倍明。  
一路蒼松如拱揖，數聲啼鳥解迎迓。  
喜投禪榻逢僧話，愛聽流泉結伴行。  
風送海濤鳴石鼓，不愁雨洗路欹傾。

坐茶亭看雲海

用恭君韻  
學士韻

山氣日夕佳，延攬悅心目。  
暑雨侵人衣，筍輿陟林麓。  
忽然天風吹白雲，滿巖谷。  
上界濕鐘聲，下方蔽茅屋。  
冥濛疑破絮，參差漲烟竹。  
招呼擬贈貽，不愁雲霧觸。  
頃刻島嶼藏，變幻屢移矚。  
但聳人語聲，急

欲看飛瀑捫蘿躋高頂明當剗黃獨遙祝海雲收  
探奇吾願足

從喝水巖石門歷湧泉尋水雲亭故址

嵐氣濕衣裾洞口雲來黑下臨萬仞潭窈窕不可  
測四顧獅象蹲奇峰指巖崩攀躋興未窮踰嶺披  
榛棘綠棧歷虛危捫蘿望空卽劃然開石門轉身  
尙偏側好事喜鋌鑄烟消石難泐蛟龍紛攫拏苔  
蘚恣剝蝕遂欲探湧泉還思水雲跡登磴溯高崗  
似展垂大翼雲海正蒼茫陽鳥已西匿投杖亟歸  
來臨風三大息

雨後坐巖鰲橋觀瀑布

振策出山門似聽灘聲惡緩步躋丹梯濕雲蔽寥廓怪石揚巨鐔足練橫空落喧豗走雷霆恍與銀濤搏石角散飛流珠沫旋噴薄屢折益奔峭潛蛟漸騰躍夭矯疑白龍羣趨赴大壑聳觀心神驚靈源恣冥索坐久始聞聲探奇信有託悠然思五丁何年始䟽鑿

國師岩示爲霖和尚

識得西來義九年能面壁石破與天開師從此中出

又

我欲來居此思叅最上乘誰能施慧劍絕壁斬孤



藤

又

殷然瀉飛瀑急流互洄洑已是悟升沉何須出幽谷

又

自喝泉聲去從無一道來如何今日至恍惚似奔雷

同紫巖公漪登鼓山絕頂

翳昔神禹奠四海閩越僻在蠻獫狁崎嶇詰曲跡罕到其時或未通車舟巖壑晝閉踞豺虎灌莽路塞蟠螭蚪何年巨靈始劈劃海風逢逢揚高旒余

來采藥穿芒屨乘槎偶作東南遊武彝崖梯未攀  
接先從石鼓探龍湫倏然雷雨氣蓬勃似阻著屐  
窮冥搜余益賈勇歷危棧銜泥冒雨凌卅丘竟從  
劣筍一騁望駐策聊欲舒雙眸白雲濛濛失遠近  
冥目作觀忘九州向聞茲山霧氣絕琉球隱見若  
浮漚邇雖蒙密衆峰蔽登臨亦可消煩憂天風海  
濤似相送拂衣欲去仍淹留擬鐫石壁識日月苦  
無奇句供雕鏤歸來一步一回顧仰看百道飛泉  
流爬沙此巖三太息青冥有路難追求白雲堂中  
遂高卧卧聽粥鼓思悠悠

藏堂石塔觀舍利時秋海棠盛開和紫巖

韻

六月幽巖風雨深上方鐘磬晚沉沉浮生昨已醒  
前夢半偈今纔寘夙心藹藹慈雲遮石塔微微清  
梵出香林草花斷腸無人問冷艷淒迷慘不禁

棠一名

斷腸草

白雲堂坐雨

殷然雷四起檻外響龍吟  
晻靄香爐濕迷離梵唄  
沉半床雲共宿千嶂雨來侵  
煩暑都能滌堂空似  
夕陰

羅漢泉

借問阿羅漢何年鑿此泉  
如何滄海渴不共作桑

田

甘露松

甘露何時集青松澗道栽幾翻遭野燒應過劫灰

來

相傳

松爲晏因師手植常有甘露集  
時爲野火所焚猶自青青如益

循松逕遊吸江蘭若

松徑高低入招提傍古臺侵堦孤嶂逼豁眼亂帆  
開樹向中流出雲從四面來誰能開口吸一咲指  
蓬萊

劣崩峰

劣崩峰頭晚照閒靈源翠鎖少塵埃雪飛半嶺諸  
天淨雨洗千松萬壑哀入世愁看機變幻扶筇喜

共客徘徊微茫一粟吾能辨日本舡從海上來

再過靈源洞石壁觀李伯紀蔡君謨朱晦庵真西山諸先賢鐫刻慨然作歌

元祐宮中有堯舜秉鈞同日皆名賢自從黨籍起  
章蔡遂令宋室成南遷青蠅終古亂黑白與人家  
國誠徒然吁嗟四先生千載人爭傳胡爲後先陟  
閬嶠不躋廊廟躋山巔紹熙歲月紀登眺豈貪林  
壑來磨鐫往後效顰齋蒼蘚真如蝸壁紛流涎腕  
力縱好筆鋒曲終隨瘴雨消蠻烟曷若諸賢照夏  
古芒寒色正垂南天嗚呼殷鑒總一轍惟

帝堯舜臣勉旃

臨滄亭聽泉小飲和紫巖韻

雨歇泉猶瀉雲來檻外飛  
流波嵐氣濕倒影日光微  
滑笏摩蒼蘚跳珠濺石磯  
風爐應遣試幽賞願無違

豁眼疑無際銜杯酒興長  
雨侵苔徑滑風送葛衣涼  
坐久知空寂心清聞妙香  
悠然響琴筑歸路澹相忘

茶園

數間茅屋結雲根幾縷茶烟度  
石門我亦江南老  
桑苧欲携茗椀過山村

望海

烟螺如黛有無間  
著舫初從島上還  
東望滄溟雲咫尺  
擬隨徐福住三山

下山口占

分明畫裏回頭看  
愁煞今朝遠翠屏  
十里飛泉來送客  
也應揮手謝山靈

鷓鴣

除是烟林卽畏途  
蠻禽解勸且當壚  
何須蜀道方云險  
一箇山頭一鷓鴣

結用土人語

別湧泉寺至下院山亭與紫巖公漪匆匆  
小飲卽去

天放歸途半日晴  
看山又作出山行  
巖花似向人

前咲雲氣還疑足底生低岸葛巾酒初漉橫拖藤  
杖眼猶明酣來自晒真癡絕底事忙忙別化城

六月十日行野田中見秔稻皆熟

才到炎天薦荔支葛衣初試少涼颼怪他秔稻村  
村熟又似江南十月時

荔水莊讌集贈林同人

去冬盛南雪丹荔如丹楓槁葉脫欲盡樹老多疲

癯余嘆不逢時欲擘心沖沖良友忽見招

紫巖公詩緩

移步履從曲折過城均四面水空濛園林浮紫翠

一灣斜日烘公然蕩雙槳棹入荷花叢傍岸荔支

熟小摘堆筠籠色香味俱絕沁齒滑喉隴飽餐三



百顆誠哉不負儂主人更好客拂檻開簾櫳罇罍

與茗椀一一皆精工傳觀秦漢碑金石都磨礧話蘭

堂所藏金石刻最富衆酣猶未去重斟飲碧筒檀槽忽齊響

一曲歌玲瓏翁岸甫小史攜管絃唱曲酒懷方磊落能賭百分

空片雲頭上催歸歟何匆匆時雨至方散

盛暑集方得菴綠宜堂用六月韻

閩中炎蒸熾不歇疑有火龍常出沒冰簟乍鋪暑

稍退散髮華堂解巾韞老饕未覺食指動翻怪酒

肴出倉卒苦瓜爛熯甘如飴甕菜作蠶肥勝蕨苦瓜

甕菜閩產中之絕佳者况有珍錯羅晶盤舉杯焉敢辭百罰

坐觀池均漾修鱗更喜叢篠少蛇蠖老鶴盤旋舞

杉柵危樓縹緲凌丹闕泥飲忽忽日沉西張燈泛

棹見新月梧桐梢上挂一鉤高下星毬競流字乍

聽欸乃聲悠揚疑向江湖烟水窟時於水邊林下點燈數十盞令

小童倚棹唱吳歌我來三山但飽餐未肯低眉事干謁連

日相逢十八孃名荔支紅綃卸盡盤堆核大笑士龍

極痒痒饒口徒勞喉搯搯爾雖高駕使車來邨及

我有荔支吃陸叢山同年昨秋典試至閩以不得食荔支爲懷在緣宜譙集詩有我來

云遲荔支晚之句余故以此嘲之寄語長安諸貴遊世上升沉總

飄忽何如且覆掌中杯幾人久仗旄與鉞子築糟

丘荷鍤隨吾今幸矣免袍笏

寓延平西山蘭若東阜樵張太守

怪雨盲風後驚心夢未安

七月初聞  
中有風災

避人雲半畝

閉戶竹千竿樹老秋逾淨山溪夏亦寒因君來下榻幸得飽煙巒

九月一日黃則威招同毛行九余仲敏集

溪南冷風閣限風字韻

傑閣嵯峨一線通開樽倚檻俯晴空人家半落寒煙外雉堞全收晚照中劒躍潭邊龍臥月雲深樹底鳥呼風憑君預作登高會爛醉寧辭琥珀紅

卽化  
劍池

重陽日同行九東只諸君集阜樵太守署

樓和行九韻二首

落帽逢佳節登樓樹幾重雲埋雙嶺塔煙鏤隔溪  
榕剪燭論詩細啣杯引興濃使君能好客談笑頗  
從容

憔悴江潭侶行吟意倍長不知今夕醉忘却是他  
鄉細雨黃花濕微霜錦樹涼年年羞短髮又過一  
重陽

戲題行九青錢硯圖硯積五銖錢四枚已  
剝蝕將半丹翠陸離色如瓜皮古鼎相  
傳爲塚中物也

異哉小毛公示我一片石中有五銖錢翠羽苔紋  
積却笑陶弘農乃與孔方脛有此阿堵物何妨神

鬼役萬選應萬中無愁終棄擲

阜樵生日詩以侑觴

角巾筇杖一閒身翻怪逢君意倍親行部好山濃  
似黛浮杯重碧暖於春孫枝小小蘭芽茁官舍垂  
垂菊蕊新更愛西堂少畱牘圍棋常賸倦遊人

霧中過江郎山口占

薄寒濃霧遍山村遮斷重重翠黛痕愁煞江郎今  
掩面都因揮手怕銷魂